

Na osnovu čl. 8 i 12 Zakona o javnim preduzećima u FBiH („Sl. novine FBiH“ broj 8/05, 81/08, 22/09 i 109/12.), čl. 8 Zakona o ministarskim, vladinim i drugim imenovanjima FBiH („Sl. novine FBiH“ broj 12/3, 34/3 i 65/13), čl. 84 stav 3 Zakona o veterinarstvu u FBiH („Sl. Novine FBiH“ broj 46/00), a u skladu sa čl. 40, 49 i 50 Statuta JP Veterinarska stanica d.o.o. Goražde, Nadzorni odbor, na svojoj sjednici održanoj 05.07.2022.g., raspisuje:

JAVNI OGLAS
za izbor i imenovanje direktora
JP Veterinarska stanica d.o.o. Goražde

I Predmet Javnog oglasa

Raspisuje se Javni oglas za izbor i imenovanje direktora JP Veterinarska stanica d.o.o. Goražde.

Izbor i imenovanje vrši se na period od četiri godine.

Opis pozicije, opšti uslovi, posebni uslovi i potrebna dokumentacija dostupni su na web stranici Grada Goražde, www.gorazde.ba

II Opis pozicije

- priprema prijedloge i izvještaje za NO i Skupštinu, program rada, plan poslovanja i donosi opšte akte društva koji nisu u nadležnosti Skupštine i NO,
- prima zaposlenike u radni odnos, otpušta zaposlenike iz radnog odnosa, odlučuje o upotrebi i raspodjeli sredstava, visini plaće zaposlenika, službenim putovanjima, pravima i drugim zahtjevima uposlenika iz radnog odnosa,
- izrađuje planove poslovanja, prijedloge o raspodjeli dobiti, zastupa društvo prema trećim licima,
- obavlja stručne poslove iz veterinarske struke

III Opšti uslovi

1. Da su državljani Bosne i Hercegovine
2. Da su stariji od 18 godina
3. Da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije objavljivanja upražnjene pozicije
4. Da kandidati nisu obuhvaćeni čl. IX.1. Ustava Bosne i Hercegovine
5. Da nisu osuđivani za krivično djelo protiv imovine, privrede, ustavnog poretka i zloupotrebe službenog položaja i da se protiv kandidata ne vodi krivični postupak
6. Da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u institucijama vlasti Bosne i Hercegovine („Službene novine FBiH“ broj 70/08)
7. Da nisu na funkciji u političkoj stranci u smislu čl. 5 Zakona o ministarskim, vladinim i drugim imenovanjima FBiH

IV Posebni uslovi

- VSS – Veterinarski fakultet,
 - Najmanje pet godina radnog iskustva u struci,
 - Istaknute organizacijske sposobnosti,
 - Položen stručni ispit.
- Za direktora preduzeća ne može biti imenovano lice:
- osuđivano za krivično djelo i prekršaj, nespojivo s dužnošću direktora, pet godina od dana pravomoćnosti presude, isključujući vrijeme zatvorske kazne
 - kojem je presudom suda zabranjeno obavljanje aktivnosti u nadležnosti direktora
 - koje se bavi djelatnošću konkurentnom djelatnosti preduzeća.

V Potrebna dokumentacija

- prijava sa biografijom, adresom i kontakt telefonom,
- dokumentacija koja se odnosi na ispunjavanje opštih uslova:
 - a) uvjerenje o državljanstvu (ne starije od 6 mjeseci)
 - b) izvod iz matične knjige rođenih

- c) ovjerene izjave za tačke 3, 4, 6 i 7 iz dijela Opšti uslovi
- d) uvjerenje o nekažnjavanju i uvjerenje o nevođenju krivičnog postupka izdato od nadležnog suda, pod tačkom 5 Opštih uslova

- dokumentacija koja se odnosi na ispunjavanje posebnih uslova
 - a) dokaz o vrsti i stepenu stručne spreme, dokaz o radnom iskustvu i dokaz o položenom stručnom ispitu

Dokumenti koji se prilažu uz prijavu moraju biti dostavljeni u originalu ili ovjerenom kopiji.

Oglas ostaje otvoren 14 dana od dana objavljivanja u dnevnom listu „Dnevni avaz“, na službenoj stranici Grada Goražde i kod Službe za zapošljavanje BPK Goražde. Za izabranog kandidata od strane NO, saglasnost daje Skupština preduzeća. Prijave na konkurs sa potrebnom dokumentacijom dostavljaju se u zatvorenoj koverti lično u prostorije JP Veterinarska stanica d.o.o. Goražde ili preporučenom pošiljkom sa naznakom „prijava za izbor i imenovanje direktora JP Veterinarska stanica d.o.o. Goražde – ne otvarati“ na adresu: JP Veterinarska stanica d.o.o. Goražde Ul. Ibrahima Popovića 60 Goražde.

Nepotpune i neblagovremene prijave neće se uzeti u razmatranje.

Kandidati sa kojima se ne stupa u kontakt u roku od osam dana, a nakon roka za podnošenje prijave, neće biti uzeti u razmatranje u daljnjem procesu imenovanja. Kandidati koji uđu u uži izbor biće pozvani na intervju pred Nadzornim odborom JP Veterinarska stanica Goražde.

Datum objave na web stranici: 07.07.2022.